



KOMUNA E PRISHTINËS

RAPORT

Drejtoria	Drejtoria e Shëndetësisë
Periudha Raportuese	Tetor, 2019
Emri dhe mbiemri i raportuesit	Dr. Bujar Gashi

1. PËRMBLEDHJE

Përmbledhje e përgjithshme rreth mbarëvajtjes/ecurisë së punës në drejtorinë tuaj për muajin raportues.

Gjatë muajit tetor 2019, stafi i Drejtorisë ka pasur takime të përditshme me qytetarë, për t'u njoftuar me procedura dhe shërbime sipas interesit dhe kërkesave të tyre.

2. AKTIVITETET E PLANIFIKUARA

Listoni aktivitetet për muajin raportues të parapara sipas planprogramit të Komunës për drejtorinë tuaj:

- Monitorimi i aktiviteteve, bazuar në specifikat e kontratave publike kornizë dhe furnizime;
- Monitorimi i mbarëvajtjes së punës në përditshmëri të personelit shëndetësor në QKMF dhe njësitë e saj, si dhe në QMU;
- Përgatitjet administrative rreth aktiviteteve në vitin fiskal 2020;
- Përpilimi i raporteve të ndryshme në kuadër të Drejtorisë;
- Shqyrtimi i mjeteve të ankimit me rrugë administrative.

3. AKTIVITETET E IMPLEMENTUARA

Listoni dhe shpjegoni aktivitetet e implementuara gjatë periudhës raportuese nga drejtoria juaj, duke përfshirë edhe aktivitetet që janë në implementim e sipër. Theksoni të arriturat e Drejtorisë:

- Zhvillimi dhe monitorimi i kontratave:
 - Renovim i hapësirave: Kati përdhes, QMF 5;
 - Renovime dhe përmirësime të infrastrukturës së objekteve shëndetësore në hapësira të ndryshme, bazuar në gjendjen aktuale të tyre;
 - Furnizim me barna dhe material shpenzues mjekësor;
 - Furnizim me material shpenzues stomatologjik;
 - Furnizim me material shpenzues laboratorik dhe RO Kabineti;
 - Pastrimi i objekteve shëndetësore;
 - Furnizim me material administrativ shëndetësor;
 - DDD e objekteve shëndetësore – faza vjeshtore;
 - Deratizimi i rrjetit të kanalizimit dhe garazheve publike – faza vjeshtore;
 - Furnizim me pajisje mjekësore;
 - Furnizim me inventar për nevojat e Institucioneve shëndetësore;
 - Takime dhe njoftime të vazhdueshme të ekipit menaxhues;
- Monitorimi i mbarëvajtjes së përditshmërisë të personelit shëndetësor në QKMF dhe njësitë e saj, si dhe në QMU;
- Takime të vazhdueshme me menaxhmentin QKMF dhe QMU në lidhje me përditshmërinë e punës me qytetarë;
- Bashkëpunim me ekipet menaxhuese; Plani i menaxhimit të kontratave – proces prokurimi;
- Takim pune me kolegë nga DIMK dhe OE rreth projektit “Ndërtimi i QMF-së në “Prishtina e Re – Zona perëndim”;
- Rishikim i planprogramit të aktiviteteve për zhvillim të vazhdueshëm profesional;
- Plotësime të Planit të menaxhimit të kontratave të ndryshme;
- Përgatitjet teknike mbi përpilimin e Planit të prokurimit 2020;
- Përgatitjet teknike – Plani i veprimit 2020.

4. AKTIVITETET NË IMPLEMENTIM E SIPËR

Të përshkruhen në detaje aktivitetet që janë në implementim e sipër nga drejtoria juaj për muajin raportues:

- Monitorimi i kontratave:
 - Furnizim me material administrative shëndetësor;
 - Furnizim me material shpenzues stomatologjik;
 - Renovime dhe rindërtime;
 - Pastrimi dhe mirëmbajtja higjienike e objekteve shëndetësore të Kujdesit Parësor Shëndetësor;
 - Furnizim me pajisje mjekësore;
 - Furnizim me inventar për nevojat e objekteve shëndetësore;
- Mbikëqyrje e vazhdueshme e punës së përditshme të personelit shëndetësor në objektet shëndetësore, rreth mbarëvajtjes së punës.

5. STATISTIKAT

Të listohen të gjitha statistikat përkatëse për drejtorinë tuaj, duke filluar nga buxheti i planifikuar dhe ai i shpenzuar për periudhën raportuese, diskutimet publike, takimet me palë, institucione, qytetarë e të ngjashme, kërkesat për qasje në dokumente zyrtare, lëndët e pranuar, të kryera dhe në përfundim e sipër, dhe statistika tjera specifike që mund të ketë drejtoria juaj. Shtoni kategoritë sipas nevojës.

5.1.1. Buxheti i planifikuar dhe ai i shpenzuar për periudhën raportuese.

5.1.2. Takimet me palë.

- Rreth 9 – 10 palë janë pranuar gjatë ditëve të punës, me përjashtim të palëve të pranuar nga drejtori.

5.1.3. Takimet me institucione të tjera:

- Drejtoria e Investimeve Kapitale:
 - Menaxhim i kontratës “Renovime dhe rindërtime”;
- Drejtoria e Pronës:
 - Kushtet ndërtimore – renovimi QMU;
- Drejtoria e Mirëqenies Sociale:
 - Bashkëpunim në aktivitetin e ndarjes së subvencioneve;
- Drejtoria e Arsimit:
 - Furnizim me dru – AMF,
 - Përpilimi i specifikave për kutinë e ndihmës së parë;
- Drejtoria e Urbanizmit:
 - Zgjerimi i garazheve – QMU;
- Arkivi Komunal:
 - Informata mbi objektin QMU.

5.1.4. Diskutime publike/Takimet me qytetarë

5.1.5. Kërkesa për qasje në dokumente zyrtare:

- Drejtoria e pronës:
 - o Kushtet ndërtimore - renovimi QMU-së;
- Arkivi Komunal:
 - o Objekti QMU.

5.1.6. Lëndët e pranuar, të kryera dhe në përfundim e sipër.

5.1.7. Përfitues të subvencioneve:

5.1.8. Takime të tjera.

6. SFIDAT

Nëse gjatë implementimit të planeve është hasur në vështirësi të ndryshme, p.sh. pengesa brenda Drejtorisë, Komunës, apo institucioneve të ndryshme, ju lutem shpjegoni në këtë hapësirë.

- Mungesa e stafit në DSH;
- Mungesa e shefit të sektorit tani e sa vite;
- Numri i pamjaftueshëm i stafit shëndetësor, bazuar në nevoja të qytetarëve;
- Buxhet jo i mjaftueshëm, sidomos për kategorinë “Mallra dhe shërbime”, ku me rritjen e numrit të pacientëve dhe shërbimeve, rrezikojmë shërbimet e vazhdueshme deri në fund të vitit.

7. AKTIVITETET E PLANIFIKUARA PËR PERIUDHËN PASUESE

- Përgatitjet për publikimet e tenderëve bazuar në planin e prokurimit;
- Monitorim i përditshmërisë së personelit, për të ndikuar në shërbime shëndetësore cilësore dhe të qasshme;
- Aktivitete për ngritjen e cilësisë së shërbimeve shëndetësore.

8. TË TJERA

Shënoni çështje të tjera që mendoni se janë me rëndësi të raportohen e që nuk kanë qenë të përfshira në pikat e mësipërme.

AKTIVITETET NË QENDREN KRYESORE TË MJEKËSISË FAMILJARE

Aktivitetet vetëdijesuese

- Më 01, 04, dhe 08.10.2019, në QKMF në kuadër të projektit “Mjekimi i infarktut akut në Kosovë”, janë mbajtur ligjëratat “Trajtimi i hershëm i infarktut të miokardit”;
- Më 04.10.2019, në hotel “Nartel”, duke filluar nga ora 10:00, takim pune organizuar nga OJQ KeA, Punëtorinë mbi rrugën e referimit të pacientëve të TB, sipas qasjes, me fokus pacientin e TB, së bashku me kriteret e hospitalizimit dhe lëshimit nga spitali të dizajnuara dhe inkorporuara në udhëzuesit e PKKT.
- Më 08.10.2019, intervistim për radio, me qëllim të edukimit dhe promovimit shëndetësor për sëmundjen e gripit;
- Më 09 dhe 16.10.19, u mbajt ligjëratat “Abuzimi i substancave narkotike”;
- Më 15.10.2019, trajnim i stafit "Analizimi dhe interpretimi i të dhënave nga fusha e monitorimit dhe vlerësimit të TB-së, si ndihmë për informim dhe vendimmarrje". Trajnimi u mbajt nga ekspertë të njohur të WHO-së në fushën e Epidemiologjisë dhe të M&V;
- Më 16.10.2019, takim pune në Ministrinë e Shëndetësisë, në Divizionin e Farmacisë, me qëllim të identifikimit të barnave për KPSH nga lista e re e “Barnave esenciale”; për të vazhduar më 18.10.19, me grupin punues QKMF;
- Nga 21.10.19 deri 23.10.19, në QZMHF u mbajt trajnimi 3-ditor për IST;
- Më 22.10.2019, takim pune me anëtarët e grupit punues nga qyteti i Gjilanit dhe Drenasit, për finalizimin e punës në përzgjedhjen e barnave për KPSH nga lista e re e “Barërave esenciale”;
- Më 23.10 dhe 30.10.19, në kuadër të aktiviteteve të ZHVP-së, në QKMF është mbajtur ligjëratat “Vertigo”;
- Më 25.10.2019, Dispanseri i Sëmundjeve të Mushkërive në Komunën e Prishtinës është vizituar nga ekspertja e Bankës Botërore, znj. Marian Thivezert, menaxheri kombëtar i tuberkulozit, dr. Majlinda Gjocaj dhe përfaqësuesi i OBSH-së, dr. Gazmend Zhuri. Gjatë takimit u diskutua e gjithë procedura e kujdesit të pacientëve me tuberkuloz në ordinancat e mjekëve, sportel, laborator, dhe regjistri i përpunimit të kontaktit, SIM TB, ruajtja e të dhënave, raportimi i rregullt sipas kuarteteve në Programin Kombëtar të Kontrollit të Tuberkulozit, ku u verifikua edhe besueshmëria e raportimit;
- Nga 01.10.19 deri 31.10.19, trajnimi për Diabetin është duke vazhduar në Klinikën Endokrinologjike, me kohëzgjatje 1 mujore;
- Më 30.10.19, në SHFMU “Asim Vokshi” në Prishtinë, në kuadër të Muajit të vetëdijesimit për luftë kundër kancerit (tetor), u organizua ligjëratat “Parandalimi i kancerit të gjirit”;
- Më 31.10.19, në kuadër të aktiviteteve të ZHVP-së për Shërbimin Stomatologjik në QKMF, u mbajt ligjëratat “Mungesa e Vit. D”;
- “Java e gjidhënies”, u shënuar me aktivitete në këto qendra:

01 tetor 2019, në QKMF (Pediatri dhe Vaksinim),

02 tetor 2019, në QMF 1,

03 tetor 2019, në QMF 11 dhe QMF Mat,

04 tetor 2019, në QMF 7.

- Ligjëratat edukative mbi zbulimin e hershëm të Ca të gjirit, si dhe rëndësinë e mamografisë, u realizuan:

më 26 shtator, në QMF1 për grat e komunitetit RAE;

më 30 shtator, në QMF Besi, për grat e fshatrave Besi dhe Bardhosh;

më 02 tetor, në QMF Hajvali, për grat e fshatrave Hajvali dhe Mramor;

më 04 tetor, në Ambulancën në Keqekollë, për gratë e fshatit Keqekollë;

- Nga 30 shtator deri më 07 tetor, në QKMF/ mamografi mobile, u realizua mamografia për rreth 50 gra, që ka rezultuar me zbulim të një rasti me malinjitet;
- Gjatë tërë muajit tetor, të gjitha Qendrat familjare mbajtën ligjëratat edukative për kancerin e gjirit, brenda QMF-ve, për pacientet e tyre;
- Pakoja bazike në shkolla:

më 02 tetor, QMF 9 u vizitua nga nxënësit e SHFMU " Xhavit Ahmeti";

më 02 tetor, QMF 6 mbajti ligjëratë edukative për nxënës, me temën "Bulizmi", në SHFMU " Ismail Qemajli";

më 08 tetor, QMF 1 mbajti ligjëratë edukative për nxënës, me temën "Aksidentet rrugore", në SHFMU "Emin Duraku";

më 10 tetor, QKMF mbajti ligjëratë edukative për nxënës, me temën "Bulizmi", në SHFMU " Qamil Batalli";

më 15 tetor, QMF 1 mbajti ligjëratë edukative për nxënës, me temën "IST", në SHFMU " Emin Duraku";

më 30 tetor, QMF 1 mbajti ligjëratë edukative, me temën HIV-AIDS në SHFMU " Emin Duraku";

QMF Hajvali, më 01 tetor mbajti ligjëratë edukative për Sëmundjet kardiovaskulare.

- AMC në bashkëpunim me QKMF, realizoi ligjëratë edukative për "Ca e qafës së mitrës" në qytetin e Mitrovicës";

Më 21 tetor, në SHFMU " Fazli Grajçevci", dhe 23 tetor, në SHFMU "Migjeni".

Gjatë muajit tetor u realizuan dy emisione televizive në RTK Imazh, njëra për Ca e gjirit dhe e dyta për rëndësinë e imunizimit me pjesëmarrës nga QKMF.

Njësia e vaksinimit

Bazuar në Kalendarin e imunizimit, vazhdon vaksinimi i qytetarëve të komunës së Prishtinës.

Poliklinika stomatologjike

Numri i pacientëve në shërbimin stomatologjik ishte - 5983;

Numri i grafive ishte - 723;

Furnizim me material shpenzues stomatologjik nga OE;

Vizitë e vazhdueshme nga kryeshefi mbi përditshmërinë e personelit shëndetësor në ndërresat e ditës/natës dhe kujdestari;

Është nënshkruar marrëveshje bashkëpunimi në mes DSH dhe Qendrës për Këshillim Profesional, që nxënësit e SHM "Dr. Ali Sokoli " të mbajnë pjesë praktike në Poliklinikën Stomatologjike - QKMF Prishtinë;

Trajnimi i punëtoreve të Poliklinikës Stomatologjike për SISH;

Adaptimi i hapësirës për vendosje të pajisjes – Ortopan.

Vizita mjekësore	Shërbime shëndetësore	Shërbime laboratorike	Shërbime stomatologjike	Shërbime radiologjike	Gjithsej
85096	59061	83856	15148	2419	245580

AKTIVITETET NË QENDRËN E MJEKËSISË URGJENTE

Në QMU gjatë periudhës raportuese është punuar sipas orarit të punës, ku mesatarja e shërbime shëndetësore gjatë 24 orëve ishte rreth 120, ndërsa e intervenimeve ishte 60 raste.

Nga raportimet e stafit mjekësor, rastet urgjente janë trajtuar sipas prioriteteve të triazhës dhe sipas këtyre raportimeve kanë dominuar rastet me:

- Intoxikime alimentare,
- Gastroenterokolitet acute,
- Lëndime në aksidentet e trafikut,
- Kriza hipertenzive,
- Reaksionet alergjike,
- Gjendje sinkope etj.

Vizitat shëndetësore vazhdojnë sipas thirrjeve në linjën tel. 194 në Qendrën Dispeçerike nga qytetarët.

Mbështetje profesionale e aktiviteteve kulturore-sportive, edukimi dhe trajnimi jashtë orarit të rregullt:

Më 09.10.2019, në intervalet kohore prej orës 9:30 deri në orën 11:30 dhe po në të njëjtën ditë nga ora 17:30 deri në ora 19:30 ekipi mjekësor i QMU-së ka siguruar stërvitjet e Kombëtares së Gjibraltarit dhe Kosovës. Stërvitjet janë mbajtur në stadiumin e qytetit të Prishtinës "Fadil Vokrri";

Më 10.10.2019, nga ora 16:00 deri në orën 21:00, dy ekipe nga QMU kanë asistuar në ndeshjen miqësore ndërmjet reprezentacionit të Kosovës dhe atij të Gjibraltarit, e cila është luajtur në stadiumin "Fadil Vokrri";

Më 14.10.2019, QMU asistoi më ekipin mjekësor në Aeroportin Ndërkombëtar të Prishtinës, nga ora 16:15, për pritjen e bashkatdhetarëve, të riatdhesuarve nga komuna e Prishtinës;

Bazuar në Strategjinë për riintegrimin e personave të riatdhesuar, në bazë të Ligjit për shëndetësi dhe në bazë të Ligjit për vetëqeverisje lokale, komunat janë përgjegjëse për qytetarët e vetë;

Më 13.10.2019, prej orës 16:00 deri në orën 20:00, një ekip mjekësor ka siguruar stërvitjet e të dy kombëtareve, të Malit të Zi dhe të Kosovës;

Më 14.10.2019, dy ekipe mjekësore nga QMU siguruan ndeshjen zyrtare të vlefshme rreth kualifikimit në Kampionatin Evropian, ndërmjet reprezentacionit të Kosovës dhe të Malit të Zi;

Ndeshja është luajtur në stadiumin e qytetit të Prishtinës "Fadil Vokrri";

Më 31.10.2019, duke filluar nga ora 8:10 deri në orën 9:30, është mbajtur kolegji mjekësor, është diskutuar Projektregullorja e re mbi vendet e punës në QMU, e cila pritet të hyjë në fuqi pas miratimit nga DSH-ja. Pas kolegjiut është mbajtur ligjërata e 10-të në kuadër të programit për EVM.

- Të gjitha aktivitetet jashtë orarit të rregullt të punës, janë zhvilluar me miratim të DSH-së.

Shërbimet në muajin tetor 2019 – QMU:

Vizita mjekësore në terren – 1300;

Vizita të tjera mjekësore – 158;

Vizita mjekësore në QMU – 673;

Shërbimi i kirurgjisë së vogël – 34;

Shërbimi i reanimimit, terren – 5;

Shërbimi i reanimimit, QMU – 0;

Shërbimi observim – 226;

Shërbimi i infermierisë – 174;

Aksidente – 88;

Fatkeqësi në punë – 6;

Fatkeqësi të tjera – 77;

Shërbimi laboratorik – 167;

EKG – 67;

Transportet – 401;

Konstatim vdekje – 57;

Gjithsej - 3433.